



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-310-4/22**
Datum: **16.08.2022. godine**

«Agencija za vodno područje rijeke Save» Sarajevo rješavajući po zahtjevu Obrt-Proizvodnja i prerada mlijeka «LEMEŠ» vl. Lemeš Abdulah, Visoko za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta za proizvodnju i preradu mlijeka u naselju Bogošići, grad Visoko, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Obrtu-Proizvodnja i prerada mlijeka «LEMEŠ» vl. Lemeš Abdulah, Visoko daje se vodna dozvola za ispuštanje tehnoloških otpadnih voda u prirodni recipijent sa lokacije objekta za proizvodnju i preradu mlijeka u naselju Bogošići, kapaciteta prerade 1000 l mlijeka/dan, izgrađenog na zemljištu označenom kao k.č. broj: 1250/2, K.O. Gračanica, grad Visoko.
2. Ova vodna dozvola se odnosi isključivo na ispuštanje tehnoloških otpadnih voda u prirodni recipijent sa lokacije objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska služba u skladu sa članom 139. stav (2) tačka 1. i 2. i stav (3) Zakona o vodama.
3. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se u roku važenja ovog Rješenja izvedu radovi predviđeni dostavljenom projektnom dokumentacijom (Glavni projekat vanjskih hidroinstalacija, šifra: 51.VS.PER.VI/22, juni 2022., urađen od „PERSPEKTIVA-inženjering“ d.o.o. Visoko), odnosno ugradi mastolov odgovarajućeg kapaciteta.
 - 3.3. Da korisnik predmetnog objekta, za vrijeme trajanja ove dozvole, a nakon završetka radova definisanih tačkom 3.2. Dispozitiva ovog Rješenja, obezbjeđuje da se tehnološke otpadne vode od pranja posuda i drugog pribora, cisterne za mlijeko, pranja podova i radnih površina nesmetano sakupljaju i odvoje do objekta predviđenog za tretman onečišćenih voda (mastolov), a zatim ovako tretirane vode ispuštaju u Lužnički potok.
 - 3.4. Prečišćene tehnološke vode moraju ostati u maksimalno dopuštenim granicama definiranim u Prilogu 4. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.5. Objekte čija je svrha odvođenje i prečišćavanje tehnoloških otpadnih voda (mastolov, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 3.6. Čišćenje i pražnjenje uređaja za tretman otpadnih voda, odnosno mastolova može vršiti isključivo firma ovlaštena za tu vrstu djelatnosti, prema posebnom ugovoru.
 - 3.7. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- 3.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.10. Talog iz mastolova se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.11. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada predmetnog objekta, u vodotoke i obale rijeka.
- 3.12. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 19.12.2023.
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Obrt-Proizvodnja i prerada mlijeka «LEMEŠ» vl. Lemeš Abdulah, Visoko, dana 16.06.2022., podnio je zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokacije objekta za proizvodnju i preradu mlijeka u naselju Bogošići, kapaciteta prerade 1000 l mlijeka/dan, izgrađenog na zemljištu označenom kao k.č. broj: 1250/2, K.O. Gračanica, grad Visoko.

U provedenom postupku dostavljena je i pregledana sljedeća dokumentacija:

- Ovjerena kopija lične karte
- Ovjerena kopija Rješenja o izmjeni rješenja o obrtu broj: 04/1-21-177/18 od 01.10.2018. izdatog od Službe za finansije, privredu i društvene djelatnosti Općine Visoko,

- Ovjerena kopija Uvjerenja o poreznoj registraciji od 11.06.2014. izdatog od Porezne uprave FBiH-Kantonalni porezni ured Zenica,
- Dokaz o uplaćenju upravnoj taksi,
- Kopija Rješenja o ispunjavanju propisanih veterinarsko-zdravstvenih uslova broj: 05-24-7751-2/20 od 02.11.2020. izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o odobrenju za upotrebu broj: 03/1-23-4-41/10 od 07.03.2011. godine izdatog od Službe za prostorno uređenje, imovinsko-pravne, geodetske, stambeno-komunalne poslove i zaštitu okoline Općine Visoko,
- Kopija Rješenja o odobrenju za legalizaciju broj: 03/3-23-2-132/04 od 26.04.2004. godine izdatog od Službe za prostorno uređenje i stambeno-komunalne poslove Općine Visoko,
- Kopija Izvještaja o monitoringu kvaliteta i kvantiteta otpadnih voda pogona za proizvodnju mlijeka „LEMEŠ“ vl. Lemeš Abdulah, Visoko broj: 688/22, april 2022., urađenog od «Inspekt-RGH» d.o.o. Sarajevo,
- Glavni projekat vanjskih hidroinstalacija – proizvodnja i prerada mlijeka, šifra: 51.VS.PER.VI/22, juni 2022., urađen od «PERSPEKTIVA-inženjering» d.o.o. Visoko (na uvid),
- Konačni izvještaj o izvršenoj reviziji projektne dokumentacije, juni 2022., urađen od «ENCOS» d.o.o. Sarajevo (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-310-3/22 od 03.08.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat za proizvodnju i preradu mlijeka zanatskog tipa izgrađen je u naselju Bogošići, grad Visoko. Kapacitet prerade je 1000 l mlijeka/dan. Proizvodi se mlijeko, slani i slatki kajmak, sirutka, sir, jogurt, namazi.
- Za predmetni objekat nije ranije tražena niti ishodovana vodna dozvola, tako da podnosilac zahtjeva nije registrovan kao obveznik plaćanja posebnih vodnih naknada za isti.
- Mlijeko za preradu se dovozi cisternom. Cisterna se pere ispred objekta.
- Otpadne vode od pranja posuda/šerpi, radnih površina i podova se odvođe, zajedno sa otpadnim vodama od pranja cisterne, na tretman u armirano-betonski taložnik, te potom u tipsku septičku jamu. Ispust je u Lužnički potok.
- Snabdijevanje vodom je obezbijeđeno putem priključka na gradsku vodovodnu mrežu kojom upravlja JKP «VAREŠ» d.o.o. Vareš.
- Na uvid je dostavljen Izvještaj o monitoringu kvaliteta i kvantiteta otpadnih voda urađen od «Inspect-RGH» d.o.o. Sarajevo. Ispitivani parametri ne zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi u skladu sa članom 115. do člana 118. Zakona o vodama («Službene novine Federacije BiH», broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je Obrt-Proizvodnja i prerada mlijeka «LEMEŠ» vl. Lemeš Abdulah, Visoko ispunilo minimum uslova za izdavanje vodne dozvole za ispuštanje tehnoloških otpadnih voda u prirodni recipijent sa lokacije objekta za proizvodnju i preradu mlijeka u naselju Bogošići, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-310-2/22 od 22.06.2022.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju:
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- Obrt-Proizvodnja i prerada mlijeka «LEMESŠ» vl. Lemeš Abdulah
Bogošići bb, 71300 Visoko
- Ⓢ AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava